




WE SAVE - WE CARE - WE EDUCATE!

#aragoesbigscreens #awareness #educationisthekey
#animalwelfare #spayandneuter #bepartofthesolution
#educationalspotara #caribbeancinemasaruba

Go see it for yourself @ The Caribbean Cinemas Aruba
and spread the good vibe!

Minister di turismo a splica:

Plan integral di desaroyo turistico di San Nicolas ta na caminda

ORANJESTAD (AAN) – Den conferencia di prensa di gobierno, Dialuna, Minister di Turismo, Salud y Deporte sr. Dangui Oduber, a wordo puntra tocante e plannan cu tin pa e desaroyo turistico den e distrito di San Nicolas, principalmente e area di Cero Colorado.

Minister Dangui Oduber a menciona cu pa e desaroyo di San Nicolas tin un plan integral den cual diferente minister ta encarga cune, por ehemplo e ministernan di transporte, economia,

infraestructura y turismo. Tin varios plan, e dignatario a expresa, specialmente pa e area di Baby Beach, entre otro un veld di deporte y un cancha di tennis.

Pa e area aki lo uza fondonan di TPEF pa drecha e pier, y bin cu un facilidad di refreshment area.

Pa Rodgers Beach tin un plan di embeyecimento den henter e area. Den e area unda awa ta keda para, e ta bezig cu diferente ingeniero pa haci un estudio pa prome cu bay inverti placa



den un proyecto, cu no ta resulta factible pasobra awa ta keda para, ta sigur di e inversion cu lo wordo haci. E intencion ta pa crea un facilidad di parkeo eyan, baño pa dama y cabayero, podise bin cu facilidad di restaurant of un café, y encuan to e tennis court tin tur intencion pa haci un com-

binacion di tennis, basket, beach soccer, beach tennis, etc. Kiermen, cada un di e cuater canchanan lo wordo uza.

Tin e intencion di pone un persona pa mantene e lugar. Si tur cos ta bay bon lo cuminsa for di entrante 2019.

E dignatario a agrega cu tin un proyecto hotelero pa desaroya y cu ta un plan cu pa hopi aña a wordo discuti pero nunca a wordo concreta. E mandatario no a adelanta riba e proyecto aki pasobra e ta den fase di negociacion ainda. Tur esaki ta forma parti di un plan integral pa San Nicolas, hunto cu e fast ferry, y Minister di Economia ta bezig cu incentivanan.

ATA ta bay habri su oficina den e distrito aki, y awo-raki inversionnan ta wordo haci y e Caribbean Festival lo wordo rebiba den un bachi nobo. San Nicolas lo haya su debido atencion. E dignatario a subraya cu San Nicolas ta un area fertil unda tin espacio pa desaroyo y e gobierno actual lo dune e atencion cu e no a haya durante e ultimo ocho añanan di e gobernacion anterior.

Encuanto Nanki Country Club e minister a splica cu ainda no a tuma un decision kico ta bay haci cune, tanten cu tin un grupo interesa pa bin cu un proyecto di hotel den e area di Seroe Colorado y te ainda nan ta den negociacion.